



Firma iz Velike Kladuše investirala 2 mil KM u novi objekat

BY [BIZNISINFO](#)

Kompanija „Kolmix“ iz Velike Kladuše preselila je na novu lokaciju. Firma je kupila jedan dio objekta “Saniteksa” i u novi objekat je uloženo preko 2 miliona maraka.

Proizvodno-poslovni dio se nalazi u objektu površine 3.440 metara kvadratnih, rekao je direktor Kolmixa Nedžad Mezildžić.

Povodom preseljenja u novi objekat kompaniju je posjetio federalni ministar poljoprivrede, vodoprivrede i šumarstva Šemsudin Dedić sa saradnicima.

Nova lokacija zadovoljava sve uslove proizvodnje hrane u skladu sa EU regulativama. „Kolmix“ je pravi domaći brend koji se već dugi niz godina uspješno bavi proizvodnjom juha i začina i Federalno ministarstvo poljoprivrede, vodoprivrede i šumarstva stoji na raspolaganju ovom kao i svim drugim preduzećima jer je podrška domaćoj proizvodnji jedan od prioriteta Vlade Federacije, kazao je između ostalog ministar Dedić.



Naglasio je da je vrlo ohrabrujuće što ova firma i pored otežanih uslova poslovanja nastavlja sa investicijama.

Glavninu sirovina „Kolmix“ nabavlja u BiH, a izvoz vrši u 17 zemalja. U svom asortimanu ima 117 proizvoda.